

欽定大清會典事例

欽定大清會典事例卷五百七十二

兵部

職制 迴避 丁憂 停止入籍 更復姓名

迴避。○原定雙月單月選補各官。均迴避本省。
○又定外海內河水師及河營各官。不拘本省
之人。均准題補。○又定屬官於上官。有錢糧盜
案考覈賢否等項。屬其管轄。若係同族。雖服制
已遠。而聚族以處者。今以卑者迴避。至支分派
遠散。分各省各府。籍貫迴異者。毋庸迴避。若在
五服之內。雖住處不同。仍令迴避。其外姻親。母

之父與兄弟。妻之父與兄弟。己之女婿嫡甥。均
令官卑者迴避。如有應迴避不行申報迴避者。
降一級調用。○雍正十一年議准。豫行保舉各
官。亦應分別迴避。嗣後陸路都司以上。於本籍
五百里外員缺。籤掣補用。守備於隔府別營員
缺。籤掣補用。至水師各官。不拘籍貫營分。遇有
該員應升之官。准其籤掣補用。○乾隆五年奏
准。開列陸路總兵官時。仍將迴避本省。於摺內
聲明。○九年議准。有題缺省分。除水師河營各
員缺。毋庸迴避本省。其內地陸路各官。籍隸他

省者居多。遇有員缺。將他省之人。揀選題補。本省之人。概不得題補本省之缺。如該督撫提鎮等。違例題補者。交部議處。至邊疆苗疆各官。亦應迴避本省。但地方既屬緊要。用人稍當變通。如遇員缺。令各該督撫提鎮。先儘籍隸他省之人。揀選勝任者題補。如果無籍隸他省之人。照豫保之例。陸路都司以上。於本籍五百里外。守備於隔府別營。均准其題補。仍於疏內將無他省之人可題。及該員籍貫營制里數。逐一分析聲明。給咨送部引。

見恭候

欽定。如再不得其人。令該督撫提鎮奏請。由部將卓薦保列一等記名之人。開列請

旨簡用。○又議准。八旗滿洲補用外任。從前並未議及應行迴避之例。嗣後八旗補用外任者。在五服之內。令其迴避。其五服以外。服制已遠。毋庸迴避。○十二年議准。副將參將。無論水師陸路。均迴避本省。遊擊都司守備。准於五百里外。及隔府別營題補。至千總本屬微員。發往他省。不免俯仰拮据之慮。仍留本省題補。不必迴避。○

又議准。河營參將員缺。令該督於籍隸他省之
河員內。揀選題補。如果無籍隸他省熟諳河務
之人。准於本省人員內保題。請

旨補用。仍將緣由於保題疏內聲明。○又覆准。嗣後
陸路副將。仍迴避本省。其水師副將。毋庸迴避。
儘贍顧廢弛。擾累地方。該督撫提鎮題參。從重
議處。○又覆准。據保註冊。應升副參之參遊內。
有籍隸本省者。於鄰近省分調掣。江蘇安徽互
相調掣。湖北湖南互相調掣。雲南貴州互相調
掣。福建浙江廣東互相調掣。陝西甘肅四川互

相調掣。○十五年議准。定例內地陸路各官。不
准題補本省之人。至邊疆苗疆各省。如無他省
之人可題。本省之人。自都司以上。於本籍五百
里外。守備於隔府別營。均准其題補。乃各督撫
提鎮。有將內地陸路。均援此例題請者。實與定
例不符。嗣後雲南貴州四川廣西陝西甘肅湖
廣等省。地處險要。及切近苗疆之營汛。仍照例
聲明辦理。其餘內地。概不准援照此例題請。如
仍違例題請。將該督撫提鎮請

旨交部議處。○二十五年題准。山東省登州鎮標前

營外海水師遊擊守備將籍隸他省及隔府別營人員題補。如果乏人。遊擊員缺。以鄰省之江南豫保水師都司掣補。守備員缺。將健銳營水師藍翎侍衛揀選。

簡補。○又奏准。水師副將參將缺出。照陸路之例。本省人員。概不准其題補。如現任本省遊擊人員。有豫保應掣參將者。福建人。以廣東參將調掣。江南人。以浙江參將調掣。廣東浙江人。以福建江南參將分別調掣。遊擊都司守備缺出。於隔府別營之缺。題補掣補。○又議准。山東省水師

遊擊守備。堪膺豫保者。保題註冊後。以鄰省江南參將都司調掣。○三十六年奏准。健銳營水師監翎侍衛裁汰。山東省水師營守備缺出。如果乏員。以鄰省江南之豫保註冊水師千總人員掣補。○四十五年

諭。旗人親族甚多。若微末員弁。以共曾祖之兄弟。概令迴避。未免轉滋煩擾。嗣後如有微末旗員。親誼較疏者。止須奏明存案。毋庸令其迴避。○又議准。同省之上司屬員。不得於現任內結親。如故違者。照違令律議處。○五十七年奏准。嗣後無論內地邊

省遊擊都司守備缺出。先儘他省籍貫之人題補。如無合例之員。遊擊都司准將本籍五百里以外。守備分別隔府別營人員一體揀選題補。○又奏准改歸原籍員弁。無論兵丁科目出身。其寄籍處所。遇題選及推升掣補。將原籍寄籍均行迴避。○嘉慶五年春准江南省水師遊擊以上人員。豫保註冊後。安徽人以江蘇掣補。其江蘇安徽人員仍照向例調掣。○九年

諭凡文武揀選各項員缺。派出之滿漢大臣。著交吏兵二部將揀選派出大員。其宗族姻親應如何迴避之

處酌量限制。以昭公慎。欽此。遵

旨議定。揀選文武各項人員。如人數足數。揀選有與

欽派大臣宗族姻親應行迴避者。即令赴挑之員呈

明扣除。如外省指明何項人員。人數較少。由部

於奏請

欽派摺內請

旨多派數員。如有應行迴避之員。即令

欽派大臣迴避。儘有拘隱。照例議處。○十年奏准。水

師參將缺出。如無別省人員可題。准以籍隸本

省之陽府別營人員題補。○十二年

諭前因浙江黃巖鎮總兵缺出。錢保所保之童鎮升。籍隸浙江。例應迴避。曾降旨諭令阿林保於福建水師總兵內揀員調補。茲據該督查明福建水師總兵內。現無合例可調之員。而前此定海鎮總兵羅江太。即係籍隸浙江。補授本省總兵。所有黃巖鎮總兵員缺。一時不得其人。即著童鎮升暫行補授。俟將來有堪以對調之員。該督再行奏明調補。○又奏准。月選推升各官。如遇本籍寄籍所出之缺。俱一體迴避。至湖南與湖北。陝西與甘肅。江蘇與安徽。俱係隔省。不必迴避。○十四年議准。湖南省新設屯

守備各缺。係專理屯務之員。遇有缺出。毋庸照
營員迴避之例。分別隔府別營。總以熟悉屯務
苗兵悅服之員。揀選題補。○十五年議准。福建
省豫保遊擊內有籍隸本省者。以廣東之缺掣
補。○十六年議准。廣東省內河水師守備缺出。
先儘隔府別營人員內保題升用。如實無合例
可題之員。准其於籍隸本府人員內題請升補。
其由本營兵丁出身者。仍不准保題。○又覆准。
世職輪補缺。其應補之缺。遊擊都司係原籍五
百里以內。守備係本府本營應行迴避者。令該

督撫等於現任人員內揀員調補。所遺之缺。即將該世職題補。○道光二年

諭四川重慶中營把總桂吉。係提督桂涵服弟。夔州協左營把總向思釗。又係兒女姻親。均例應迴避。惟該弁等皆由鄉勇入伍。熟悉地方情形。桂吉向思釗俱著准其仍留本缺供職。但不得擢署提標之缺。將來升至守備。再令照例迴避。○四年奏准。武職月選掣籤。遇有迴避。先令迴避之員掣籤。俟掣定後。再將毋庸迴避人員統掣。○十年奏准。福建省水師提標後營外委陳廷瑛。中營外委陳廷華。俱

係水師提督陳化成之子。又後營把總蘇晉係該提督兒女姻親。例應迴避。准其調補隔標別營。仍不得拔署水師提標之缺。將來升至守備。再令照例迴避。○十八年奏定陝西省題缺參將缺出。遇輪用豫保時。比照儘先人員。及世職補缺之例。以籍隸甘肅之人。一體掣籤。於題本內聲明。行令該督於駐紮陝西省之題推參將缺內。揀選對調。○同治九年奏准。各省請補陸路副將參將籍隸本省人員。應令有總督兼轄之兩江湖廣兩廣閩浙各總督。即於兼轄之隔

省人員內。揀員調補。其有總督而無兼轄之直隸四川。及無總督之山東山西河南。即比照水師遊擊豫保參將與鄰省調掣之例。直隸與山東山西與河南四川與湖北。由該督撫咨商揀調。至水師副將。有例應迴避者。除閩浙二省。均有額缺。即令該督揀選對調外。其山東係無總督省分。江南廣東雖總督有兼轄省分。惟所轄之省。均無水師副將之缺。亦應比照前例。山東與浙江江南與廣東廣東與福建。會商揀調。至水師參將守備陸路守備。係本府本營水師遊

擊都司。距籍在五百里以內。即於本省合例人員內。揀員對調。至收標各員。除遊擊以下。未經奏留他省。例應在本省候補外。其副參兩項。如曾經奏留本省者。仍准收標。一體差委。若請補實缺。即揀選隔省人員對調。由部題補之員。有應行迴避者。亦即聲明。由該督撫照章辦理。○光緒九年奏准。直省陸路各營副將以下應調人員。以准補奉

旨之日起。勒限一年。一律奏請揀調。如有逾限不調者。即將應調之員。奏請開缺另補。並將該督撫

照例議處。

丁憂。○順治初年定武職大小官員。遇有親喪。在任守制二十七月。照常供職。不准回籍。○康熙二十六年議准。提鎮丁憂。由督撫題報。副將丁憂。屬將軍轄者。由將軍題報。屬督撫轄者。由督撫題報。其專屬提鎮轄者。由提鎮題報。皆辭任回籍守制。服滿之日。起文赴部候補。參將以下。遇有親喪。皆在任守制。○雍正二年議准。參將以下各官。遇有親喪。除軍機調遣。不准給假治喪外。其餘無論獨子與非獨子。父母在任故

者。准給假歸葬。在籍故者。准給假奔喪。該將軍督撫提鎮酌量定限。如任所與原籍近者。不得過六月。遠者不得過十月。將給假日期報部。事畢依限回營。若於定限之外。藉端遲延逗遛者。照赴任違限例議處。衛所官親喪亦照此例行。若現在運糧者。還糧回日。准其給假。凡遇親喪各官。二十七月之內。遇朝賀祭祀一應慶典。免其行禮。未滿服制之前。不行升轉。較俸升轉之日。將回籍治喪離任月日扣除。○七年奉

旨。官員在任守制者。若朝賀筵燕祭祀典禮齊集之處。

准委屬官代行。再官員偶患風寒肢體等疾。亦准委屬官代行。其代行緣由。提鎮報明禮部。副參以下。報明督撫提鎮。○十三年奉

旨。三年之喪。不得嫁娶。違者奪爵褫服。○乾隆三年議。准官員出繼為人後者。遇本生父母身故。提鎮由督撫題報。副將由該管之將軍督撫提鎮題報。皆准回籍治喪一年。限滿起文赴部候補。參將以下各官。除軍機調遣。不准給假。其餘報明督撫提鎮。給假回籍治喪。依限回營辦事。以聞。計之日為始。一年內停其升轉。至較俸升轉之

時將給假離任月日扣除。○又議准現任官遇有親喪未經報部之先已論俸推升其原任已補授有人者令赴新任辦事接扣服滿日報部如報部之時原任尚未補授有人者將所升之任扣除別補該員仍留原任俟服滿後再行升轉。○四年覆准定例參將以下現任實授之官在任守制服未闋之前不准升轉分發各項候補人員到營之後隨衆差操適遇親喪若不准委署則無俸新養廉難免拮据其間有才技兼優之人恐日久閒曠不免生疏嗣後各項候補

人員。遇有親喪。除於二十七月內。不准題補。拔
補外。若遇人地相宜之任。准其一例揀選委署。
俟服滿後。照例題補。○六年奏准。在部候選。候
補各官。於籤掣得官之後。未經給劄之先。遇有
親喪。取具同鄉京官印結。令其回籍守制。俟服
滿。日起文赴部候補。如已經給劄者。照現任官
例。給假治喪。○十二年

諭副將丁憂者。例應離任守制。俟二十七月期滿。始行
補用。但旗員向皆持服百日。期滿即行當差。並不俟
二十七月。且滿洲官丁憂後。三年內並無差使。聞散

安居。不但於生計無益。人亦漸至頽惰。嗣後除提鎮
內丁憂者。皆深知簡用之人。朕酌量委用外。其選用
副將之旗員內。遇有丁憂。由侍衛升用者。著在一等
侍衛上行走。由前鋒參領護軍參領驍騎參領等官
升用者。著在各原處行走。遇參領副參領員缺。即行
坐補。由世爵升用者。著仍在原爵行走。若由步營及
王府升用者。原處無品級相當之缺。臨時著該旗辦
理。具奏請旨。以便酌量委用。俟二十七月期滿。應行
補用時。仍著照例補用。○二十四年

諭。嗣後凡八旗外任文武官員。調任及丁憂回京者。俱

着在原衙門職任。及所調之任行走。遇缺即行補用。所有期滿補用外缺之處。着概行停止。○二十六年議准。候補候選服滿起復人員。照文職之例。於一月內該管州縣取結詳明轉咨。仍報該管府州備案。○三十九年奏准。現任官員遇有親喪。未經報部之先。已經論俸推升。其原缺另補有人者。令赴新任素服辦事。如未補有人。將應升之缺扣除。仍留原任。其在部候補人員。遇有親喪。分別已未給劄。至豫保人員。掣升後遇有親喪。照推升各官畫一辦理。○五十四年奏准。論

俸推升及題補掣升各員。於升用後續報親喪者。覈其日期。如係親喪在後升補在前。概令前赴新任。素服辦事。無論原缺有人無人。不必退回原任。○嘉慶五年

諭嗣後尋常無事省分。該督撫不得率行奏留丁憂人員。以符定制。○八年奏准。外任武職旗員。遇有丁憂。回京由各該旗隨時咨送。由部帶領引

見。毋庸年終引

見。○十年奏准。旗員武職。遇有丁憂回京。起服後奉旨。在原衙門行走者。遇揀選時。仍准其保送外任。○

十七年覆准升補升署例應引

見各員。如有緊要差違。經該督撫咨請暫緩給咨。續經聞訃者。均免其退回原任。給予署劄。俟服滿後。另行題請實授。其並非緊要差違。及未經該督撫咨請暫緩給咨者。仍照舊例退回原任。俟服滿後。再行升轉。○道光五年

諭。向來滿洲蒙古外任武職。例應丁憂人員。回旗守制。百日孝滿。在原衙門行走者。每年十月查辦一次。帶領引見。分別內外用。嗣後著該部每屆查辦時。於帶領前三日。將各該員履歷。詳悉開單。先行具奏。○十

六年議准。嗣後現任參將以下官員。凡遇親喪。呈請給假葬親者。該督撫查明該員。如在服制期內。照例酌定假期。咨部註冊。如服制已滿。即行駁飭。毋庸給假。其非赴京赴任之便。率以省親修墓安葬等情。請假者。一概不得給假。○咸豐四年

諭前任江南蘇松鎮水師總兵田浩然。係服闋到部候補人員。所請投效軍營之處。著不准行。○同治十一年議准。各省請補實缺武職。呈報丁憂。查係候補人員。請補。並無底缺。給咨送部。聲明親喪。帶

領引

見。令其暫署。俟服滿後。由該督撫題請實授。○光緒五年奏定。嗣後出使大臣奏請之員。除未到外國。並無經手事件。一報丁憂。即飭回籍外。其有已到外國而報丁憂者。應令各該大臣查明該員如無經手未完事件。即照章飭令回華。僅有事件經手未完。即隨時奏明。暫留在洋差遣。俟差竣回華。再令補行穿孝守制。○十二年奏准。參將以下各省營衛候補人員。奏題補缺。於未

經引

見之先。咨報丁憂者。應比照原缺已經題補有人之例。免其闕缺。百日後給咨送部引

見。給予署劄。

停止入籍。○康熙五十年議准。現任及丁憂休致事故解退之提鎮並副參遊都守等官。皆不許在任所置立產業入籍。如有已經置立者。限六月內變賣回籍。○五十一年奉

旨。武職駐紮地方。不許人民籍立產業。其已立產業者。令變賣回籍。若身沒後有實不能遷移者。督撫查明具奏請旨。○雍正元年議准。提鎮副將。均係大員。不

許在現任地方置立產業。卽丁憂休致。事故解
退之後。亦不許在彼入籍居住。此內或於任內
置有產業。已經身故。實有不能回籍者。該督撫
具奏請

旨。參將以下各官。任所置有產業。或本身丁憂休致
事故解退。或已經身故。子孫留住任所。有欲在
彼入籍者。該地方官呈報督撫。准其入籍居住。
田土丁糧。與土著一例輸納。○乾隆二年議准。
緣事革職之人。果無原籍可歸。如任所安葬祖
父墳墓。閱年已久。不得已欲在彼入籍者。副將

以上等官該督撫具奏請

旨。參將遊擊都司該督撫察覈報部。由部移咨該員
原籍。如果無產業宗族該原籍地方官出具印
結送部。准其入籍。如有假捏將本人照例治罪。
押令回籍不行詳查出結之地方官照濫行出
結例議處。至守備以下革職微員原籍如果無
產業墳墓取結報部。准其入籍。○十八年

諭各省武職大員在任所置立產業身故後子孫不能
回籍該督撫代為具奏請旨者多即准行。及按之定
例則武職原不許在任所置產入籍。康熙年間會通

行稽察。予以半年之限。勒令回籍。隨降旨。設有身故者。准令代奏請旨。此蓋辦理之初。加恩寬卹。而其後遂相沿成例。此該部濫觴。非初制也。武職雖無民社之守。然於在任時。憑藉威勢。安保無營私侵占諸弊。且以建旄擁節之大員。求田問舍。多方為子孫計。又安望其能整飭營伍。彈壓地方耶。苟非生前置產。則身故以後。子孫當經營歸殯。又何暇置產。其有產者。率在任時。違制所置。督撫不行叅出耳。嗣後武職大員。仍照舊例。不許在任所置產入籍。督撫亦不得代為奏請。該部通行傳諭知之。○三十三年奏准武職

於任所入籍。咨查原籍有無廬墓。止須取具該地方鄉保鄰族甘結具報。其府州縣加具印結之處停止。○四十二年復准改歸本籍人員。務須取具原籍及現在地方官切實印結報部方准改正。○道光二十一年題准武職改歸原籍。該督具有原籍印甘各結。准其改歸原籍。其寄籍處所三十年內仍一體迴避。此外凡有改歸原籍武職。係參將以上各員。俱應照此迴避。以杜趨避之漸。

更復姓名。○康熙三十七年議准官員改復本

姓名者。參將以上。該督等具題。遊擊以下。均咨部註冊。該督撫仍於年終彙題。各照改復姓名。換給劄付。○乾隆二十九年。奏准。武職官員更定姓名者。遊擊以上。該督撫具題。都司以下。均咨部註冊。毋庸年底彙題。○四十三年。

諭。今日閱看鑲紅旗滿洲承襲佐領家譜。見一支內祖孫父子之名。俱以齊字為首。又一支內所有人名。俱以杜字為首。齊杜俱係漢人姓氏。因循既久。數傳後。轉似伊等姓氏。竟染漢人習氣。除已經命名者。毋庸更正外。嗣後滿洲等命名。斷不可似此數代同以一

字為首。我滿洲原有姓氏。何可忘本而改易漢姓耶。將此通行曉諭八旗各省將軍副都統一體遵行。

又

諭。前因滿洲以漢字對音書寫名字。欲得漢文語氣。每將首一字用漢姓字面者。朕曾經降旨禁止。又有將首一字數代通用者。昨亦降旨禁止矣。今新中繙譯舉人內。尚有陶光一名。直用漢姓陶字。郭布亨一名。直用漢姓郭字者。陶郭兩姓漢人最多。以滿洲而用此等字面命名。看去竟似漢人。成何道理。除已降旨更正外。滿洲等本各有姓氏。今書寫呼喚者名也。名

之首一字妄用漢姓。豈止廢棄本源。觀之亦甚不雅。即如鈕祜祿氏為滿洲中世家大族。漢人知鈕赫為狼。而鈕祜祿之音近之。遂呼之以郎姓。是特鄙之以狼也。而鈕祜祿氏之不肖子孫內。竟有自謂姓郎。甚至以郎字命名者。好醜莫知。自忘根本。且身係滿洲。呼之鈕祜祿氏榮耶。呼之姓郎榮耶。何為而棄榮耀滿姓。反用微末漢姓。甚無謂也。又滿洲命名。數代通以一字為首者。非惟不可用漢姓字面。即漢姓所無之字。亦不可數代通用。即如大學士阿桂之父名阿克敦。而其子名阿迪斯。阿彌達。雖俱係滿洲語蒙古

語。究係三代通用一阿字起首命名。久之恐伊一戶
竟成阿姓。已降旨阿桂。其孫輩命名。不得仍用阿字
起首。另用其他字面矣。又原任大學士傅恆之子名
福隆安。福康安。福長安。滿洲字面傳福相同。朕命福
隆安弟兄。改寫福祉之福字。是特以滿洲姓氏俱係
滿洲之根本。今若不為之整理。久之世遠年湮。滿洲
等俱各忘其姓氏。反用漢姓。大有閩繫。著交八旗各
省將軍都統副都統等。通行傳諭官兵人等。使共知
朕今滿洲等毋忘根本之至意。敬謹遵行。違者被朕
查出。非止治官兵之罪。即該管大臣等。亦一體治罪。

此旨並令阿哥等閱看。五十七年

諭從前八旗官員兵丁名內。有與大臣等同名者。已降旨令其改易矣。夫與大臣同名。尚行改易。況與宗族近派王公等同名。反有不行改易之理耶。且如保太即與裕親王之名相同。凡係旗人命名均應避忌此字。旺札爾那木札爾皆係身與同時。乃以此字命名伊子。甚屬錯謬。而保太又並未改易。公然稱謂至今。始至福清獲罪。著交八旗都統將現在八旗人等之名。盡行查出。如有似此相同者。令其改易外。嗣後生子命名。呈報該旗時。該旗都統等務各切實查覈。設

有濫行命名者。即時改易。○嘉慶元年奉

旨。前因八旗官員兵丁內。有與王公大臣等同名者。曾經降旨飭令該都統等另行更改。該都統等自當留心察查。乃昨日今日帶領引見之世職人員內。有鑲白旗滿洲承襲騎都尉擬正之馬甲札拉豐阿。鑲紅旗滿洲承襲雲騎尉擬正之護軍觀音保。鑲藍旗滿洲承襲騎都尉擬正之佐領台布。均與喀喇沁郡王職銜札薩克貝勒御前大臣札拉豐阿公觀音保侍郎台布等同名。該都統等即素未留心。其帶領引見之前。豈家譜亦不經目耶。殊屬疏玩。所有鑲白旗滿

洲都統福長安。副都統愛興阿富俊。鑲紅旗滿洲都
統定親王綿恩。副都統布彥達賚多永武。鑲藍旗滿
洲都統成親王永理。副都統永珊。俱著交部查議外。
將此再交八旗副後務須各宜細心察查。有與王大
臣等同名者。俱著更改。儻仍復如是。照此將該都統
等交部查議。○五年定八旗官員更名。如係該衙門
咨報者。應行取本佐領圖記送部。方准更名。如
係本旗咨報者。即准更改。不必行取佐領圖記。

○八年

各陵名清語。俱係敬謹尊上。即如

恩特和墨。

瑚圖靈阿。

額勒登額。

李順阿。

安巴靈武。

額勒和。

托謨宏武之清語。均非臣下命名所應用。著交八旗令
現任大臣內。有以此等清語命名者。即著自行具奏
更改。官員兵丁內。如有以此等清語命名者。即著呈

明該管大臣更改。嗣後八旗臣僕俱不得以此等清

語命名。所有黑龍江副都統銜總管色爾宸原賞之

巴圖魯名號著改為強謙巴圖魯。○特和墨漢語曰

永額勒登額漢語曰

額勒和布漢語曰

額勒和布漢語曰

額勒和布漢語曰

額勒和布漢語曰

額勒和布漢語曰

論奉天錦州府知府員缺著善連補授。連字係朕兄端

慧皇太子之名。不應用。著改為連字。○十一年

諭據奇臣奏請將烏魯木齊所屬昌吉縣知縣景安題補迪化州知州該員與現任湖南巡撫景安同名殊屬不合從前有與王公大臣同名者經

皇考高宗純皇帝屢降

訓諭飭禁今官員兵丁內與王公大臣同名者甚多此皆該管大臣平素並不留心一任屬員兵丁等率意命名所致所有新授迪化州知州景安之名著交奇臣按照清文語意更改外仍交宗人府吏兵二部八旗內務府三旗查明宗室覺羅旗員兵丁內有與王公大臣同名者俱著更改毋令與王公大臣同○又

諭昨日刑部呈進本內有名覺羅太者。是何取意。竟染漢人習氣矣。著文宗人府即令按照滿洲語意。更改其名外。並著該衙門及八旗滿洲蒙古都統。逐名通行詳查。如有似此指姓命名者。俱著飭禁。均令按照滿洲語意。另行更改。毋得再行指姓命名。致蹈漢人習氣。○十三年

諭昨日兵部帶領武職各員引見。內有張聖謨一員。聖謨二字。豈臣下所可命名。兵部於該員到部時。即應將伊名更正。何以漫不加察。率行帶領引見。除此次疏忽之咎。姑從寬免議外。嗣後吏兵二部。於應行引

見各員內。遇有此等命名不合者。即當留意更正。若再失於查察。經朕看出。定將該部堂司官分別懲處。所有張聖謨一員。即着改為張謨。○道光元年

諭滿洲蒙古抱養民人之子。有曾經出兵得受功牌。及立有世職者。均准其歸入本旗漢軍。以歸畫一。○三

十年

諭騰越鎮總兵拴住。着毋庸更名。嗣後凡有與朕名同音之字。均着毋庸改避。

欽定大清會典事例卷五百七十三

兵部

職制

單月衛守備選法

雙月衛守備選法
不論雙單月及值先衛守備選法

單月衛守備選法。○康熙十一年題有。由守禦所千總門千總衛千總較俸推升守備。每五缺門衛千總用四人。守禦所千總用一人。○雍正二年議書。裁缺之衛守備及現任衛所千總。應升衛守備者。於單月營守備各班之末。添設裁班。相關輪用。○乾隆七年奏准。單月衛守備員缺。將衛所千總議敘即升。千總捐升衛守備者。

用一人。衛所千總領運全完。加至都司銜奉

旨以衛用者用一人。再將此四項輪用一周。至八人
後將守禦所千總議敘。即升及俸深應升。並領
運全完。加至都司銜奉

旨以衛用者。共為一班。相間輪用一人。○又議准。門
千總食俸年久。由部行文。步軍統領。出具考語
送部引

見。分別營衛註冊。其奉

旨以衛守備用者。歸於單月。應升班內。與衛千總一
同較俸推升。不准計算京俸。○又議准。即升人

員按文到議敘先後推升。如同日文到照食俸
先後推升。應升人員照食俸先後推升。捐升人
員照上庫日期先後推升。如同日上庫籤掣先
後註冊遇缺推升。大衛以衛用者照引

見奉

旨日期先後推升。如同日奉

旨。照食俸先後推升。○又議有衛所千總加至都司
銜。具呈告降以衛守備用者。照具呈註冊日期。
於用九人之後推升一人。俟告降註冊之人用
完。即將此班停止。○十四年議有衛所千總議

敘即升者。若遇應升班內俸次已到。仍較俸推升。○十八年議准。衛千總領運漕糧。向來分別省分遠近議敘。江南江西浙江湖廣等遠省。一運全完。加銜一等。二運全完。加銜二等。三運全完。歸入即升班內選用。山東河南等近省。一運全完。紀錄二次。二運全完。加銜一等。三運全完。紀錄二次。四運全完。加銜二等。五運全完。紀錄二次。六運全完。歸入即升班內選用。今加銜既經刪除。所有衛千總加銜。改為加級。准其隨帶。至於紀錄及歸入即升班內選用之處。仍照向例。

行。○又議准單月衛守備原設兩捐班。此次江
賑例有捐納衛守備者歸入舊有捐班選用。○
二十九年奏准捐升衛守備人員業經用竣。所
有原設捐班均行裁汰。○又奏准領運全完議
敘加四級以上人員按引

見奉

旨日期先後補用。如同日奉

旨。照歷俸先後挨次推補。○又奏准領運千總運滿
時該漕督分別考覈將人材出眾踴躍急公者
列為一等。出具切實考語送部引

見奉

旨以衛用者入於衛守備即升班內。先行升用。其餘分供職。列為二等者。入於即升班內升用。如係三等之員。仍歸應選班內升用。不垂入於議敘班內升用。○四十三年奏准。留任候升衛千總。照營千總拔置題補之例。於保送後。拔置題補一人引。

見後。歸入單月分。部推四缺後。行文題補。如無拔置之員。停其保送。○五十四年奏准。衛千總拔置題補名目。改為拔置先用。遇應用缺出。由部按

名擬用。毋庸行文題補。其拔置先用。未經升用以前。遇本班應升時。仍按原班升用。○又奏准。門千總定為五年俸滿。由部調取。分別營衛。其奉

旨以衛守備用者。歸於單月。照例升用。○嘉慶三年奏准。川楚例捐納衛守備。於單月增設川楚班選用。○六年奏准。單月衛守備缺出。應用衛所千總議敘。即升者用一人。為議敘班。門衛千總俸深無事故。應升者用一人。為俸深班。衛所千總領運全完。議敘加至四級以上。奉

旨以衛守備用者用一人。為加級班。再將此三項人員。挨次各升用一人。六缺之後。用守禦所千總。議敘即升。及俸深無事故。並領運全完。議敘加至四級以上。奉

旨以衛守備用者。共為一班。相間輪升一人。為升班。以上七班。輪流推補。○又奏准。工賑例捐納衛守備。於單月增設工賑班選用。○九年奏准。衛工例捐納單月即用衛守備。增設衛工班選用。○十一年奏准。南河捐輸料價。議敘單月即用衛守備。增設議敘班選用。○十三年奏准。土方

例。捐納單月即用衛守備。增設土方班選用。○
二十年奏准。豫東例捐納單月即用衛守備。增
設豫東班選用。○又奏有。單月衛守備缺出。定
以十缺一輪。每輪用一豫東。一儘先。一豫東。一
土方。一豫東。一儘先。一豫東。一各班。一豫東。一
儘先。如輪至儘先及土方各捐班無應選之人。
即以各班人員。挨班抵補。○又奏准。單月衛守
備輪選土方到班。用一土方。一議敘。一土方。一
衛工。一土方。一議敘。一土方。一工賑。一土方。一
議敘。一土方。一衛工。一土方。一議敘。一土方。一

川楚挨次輪選。每輪止用一人。如有一項無人。即以各班抵補。○二十一年議准。單月衛守備缺出。輪用各班時。將衛千總議敘。即升列為一等者。用一員。為一議敘班。門千總俸深無事故。應升者。用一員。為一俸深班。衛千總議敘。即升列為二等者。用一員。為二議敘班。衛千總俸滿無事故。應升者。用一員。為二俸深班。○二十五年奏准。武陟例捐納衛守備。於單月設武陟班選用。○道光六年奏准。酌增常例捐納單月即用衛守備。於單月設酌增班選用。○又奏定。單

月衛守備缺出。定以八缺為一輪。每輪用一酌
增。一武陟。一酌增。一豫東。一酌增。一各班。一酌
增。一各班。如舊捐無應選之人。即以各班人員
抵補。○又奏有武陟到班。每輪選用一人。豫東
到班。用一豫東。一土方。一議敘。一衛工。一豫東
一工賑。一川楚。挨次輪選。每輪止用一人。○十
三年奏有籌備經費例。捐納單月即用衛守備。
於單月增設籌備班。俟戶部彙總造冊。咨送兵
部。掣定名次。先後挨次選用。開選之日。即從新
例選起。從前用過班次。俱不接算。所有輪選班

次。悉照酌增例班次辦理。○又奏准捐輸助賑章程。現在停止。其未經停止以前捐輸衛守備俟各直省冊報戶部彙入籌備新例造冊咨送兵部一體籤掣銓選。具有於捐輸案內過班者統俟新例截卯後一律辦理。○又奏准單月衛守備輪選酌增到班先用頭卯人員次用二卯。每輪選用一人。如頭卯無人即用二卯。二卯無人即用頭卯。兩項俱無應選之人即以各班挨班抵補。○又奏准單月衛守備輪選武陟到班先用武陟一人。次豫東。次土方。次議敘。次衛工。

再輪用武陟一人。次工賑次川楚。挨次輪選。每輪止用一人。如有一項無人。即以各班人員抵補。○又奏准。衛守備現任捐升人員。仍行在任候選。如有情願報捐離任赴部候選者。查其任內。無開展參降調等項事故。即令報捐離任赴選。○又奏准。舊捐衛守備。有加捐過班者。查明各舊例。已未捐足。已未過班。准其過班。與新捐人員。一體籤掣名次銓選。○又議定。由奉

旨以衛缺用之現任守禦所千總。門衛千總。與未經分別營衛之現任守禦所千總。門衛千總。報捐

衛守備者均歸單月即用。○二十一年奏准豫
工例捐納單月即用衛守備。於單月設立豫工
班。按籤掣名次先後挨次選用。○又奏准單月
衛守備八缺一輪。每輪用一豫工。一籌備。一豫
工。一酌增。一豫工。一各班。一豫工。一各班。如舊
捐輪選無人。即過班。以各班抵補。○又奏准單
月衛守備輪至籌備。每輪選用一人。輪至酌增。
用一酌增。一武陟。一豫東。一土方。一議敘。一衛
工。一酌增。一工賑。一川楚。挨次輪選一人。○又
奏准候升營守備與奉

旨以營守備用人員均得改捐衛守備歸於單月選用。○又奏准衛守備現任捐升人員如有具呈情願離任赴部候選者毋庸報捐離任查其任內無關展參降調等項事故令其離任赴選。○又奏准衛守備各項人員革職未經捐復降調未經補缺遽請捐升應先捐復原官方得捐升其降調業經補官遵例捐升改捐查其任內並無有關降調降留等項事故准其報捐至未經出任捐納之員革職者照已任革職捐復之例覈辦。○又奏准衛守備現任捐升人員任內如

有展參關繫降調之案。輪班應選時。不准銓選。亦不准捐分發。○二十二年議定。終養事畢。奉旨不必坐補原缺之衛守備。以投供之日起。歸於單月五缺後。按人文到部先後選用。如同日到部。按離任先後選用。○又議定。單月五缺後衛守備。如輪選到班。適行查未覆。將其次之人選用。俟行查到部。仍計算五缺後選用。如其次之人。尚未積有五缺。即將此缺過班。從過班之缺算。積五缺後。將其次之人選用。名次在前之人。行查到部。毋庸計算缺次。遇缺補還。不積五缺後。

人員之缺。○二十三年奏准。遵捐輸例。捐納單
月即用衛守備。於單月設捐輸班選用。○二十
五年奏准。順天新捐輸例。捐納單月即用衛守
備。於單月增設順天新班選用。○二十七年奏
准。三省新捐輸例。捐納單月即用衛守備。於單
月增設三省新班選用。○咸豐元年奏准。籌餉
例。捐納衛守備。於單月增設籌餉班選用。○又
奏准。單月衛守備缺出。定以二十五缺為一輪。
每輪用四籌餉。一捐輸四籌餉。一豫工。四籌餉。
一各班。四籌餉。一捐輸四籌餉。一各班。如輪至

舊捐無應選之人。即以各班人員挨班抵補。○
又奏准。新舊捐輸例。捐納單月衛守備。統歸一
班。遇輪選到班。先用三省新捐二人。次用順天
新捐一人。再次用各省舊捐一人。內有一項無
人。以次遞推。如俱無人。即以各班人員抵補。○
又奏准。單月衛守備。輪至豫工班。用一豫工。一
籌備。一豫工。一酌增。一豫工。一武陟。一豫工。一
豫東。一豫工。一土方。一豫工。一議敘與衛工相
間輪用一人。○又奏准。單月衛守備。輪用豫工
到班。頭卯二卯。相間輪用。頭卯無人。即用二卯。

二卯無人。即用頭卯。如兩項俱無應選之人。即以各班抵補。○又奏准。籌餉新例。捐納並過班。單月衛守備。四月截卯一次。戶部按卯送冊後。兵部知照山西道。公同掣定名次。該捐生領有執照。即先行取結。赴部呈驗。聲明註冊投供。扣足五十五日。即予選用。其籤掣名次。各歸各卯。以卯之次數為序。挨次輪選。到班時。各用名次在前者一人。周而復始。○又議准。嗣後凡有現任捐升歸部銓選衛守備。如非應升之階。照現任人員越級捐升開缺成案。俱令離任候選。有

情願留任者。令於捐升時。先捐免離任。如捐升之項。本係應升之階。呈內聲明在任候選者。仍毋庸捐免離任。○七年議定。衛守備有因親老捐免。遠省人員。如遇丁憂服滿。准免其再調遠省之缺。○八年議准。衛守備捐免迴避親族。照營守備捐離原有銀數辦理。○同治五年

諭。嗣後各直省報捐武職。均著永遠停止。○光緒元年議定。單月衛守備。輪用議敘班時。分設議敘班前。議敘本班。議敘班後。三班各按奉

旨先後輪選。凡由實缺衛千總保舉開缺以衛守備

選用者列入議敘班前。由實缺衛千總議敘即升。並保列一二等者列入議敘本班。其並未曾任實缺。歷保以衛守備選用者列入議敘班後。○十一年議定。單月衛守備輪用議敘班前。第一次到班。仍用實缺衛千總保舉開缺以衛守備選用人員。第二次到班。改用實缺衛千總保舉在任以衛守備選用人員。兩項相間輪選。○雙月衛守備選法。○順治初年定。由裁汰及推還職降補三甲武進士題准給劄等項。挨次選用。每三缺各項輪用一人。武進士用二人。○又

定雙月衛守備員缺。以裁汰改推為一班。還職
降調為一班。武進士為一班。年滿咨送為一班。
功加為一班。效勞為一班。投誠為一班。每八缺
各項輪用一人。武進士用二人。○康熙四十八
年題准。現任千把總年滿千總中武進士。以衛
用者。於雙月別立一班選用。○雍正二年議在。
每科武進士。前半以營守備用。後半以衛守備
用。今衛守備之缺。既經裁減。嗣後將衛守備用
之武進士內。再分十五名。以營守備用。於雙月
營守備各班之末。另立一班推補。○十一年議

准。難廢議敘以衛守備用者。歸入給劄班內選用。效力武舉。三年期滿。以衛守備用者。歸入效勞班內選用。○十二年議准。藍翎侍衛奉

旨以衛守備用者。歸入科班選用。○乾隆元年奏准。現任營守備調取引

見奉

旨以衛守備用。及籤掣營守備之武進士。並效力人員。年滿千總引

見奉

旨以衛守備用者。於雙月各班之末。設改用班選用。

現任調取者。於改用班內先用。○七年奏准。雙
月衛守備員缺。將開復降調捐還三項。共為一
班。相間輪用一人。揀選三等武進士。及奉

旨歸入武進士班內。以衛用之。藍翎侍衛。共用二人。
難廕守備以衛用者。用一人。效力期滿以衛用
者。用一人。武進士充補提塘期滿以衛用者。用
一人。捐納衛守備用二人。現任營守備調取引
見以衛用者。又掣補營守備之武進士。並效力人員。
年滿千總引

見改用衛守備者。共為一班。用一人。○又奏准。開復

降補人員各照奉

旨日期先後選用如同日奉

旨。公同掣籤註冊。挨次選用。捐還原職人員。照上庫日期先後選用。如同日上庫。亦公同掣籤註冊。挨次選用。武進士照揀選年月。挨科分名次先後選用。藍翎侍衛由武進士出身者。與武進士同較科分名次選用。由世爵出身者。按其補授藍翎日期。與現在投供武進士之科分年月日期。相較選用。難廕守備效勞人員。各照引

見奉

旨以衛用日期先後選用。如同日奉

旨。難廕人員。照題廕先後。挨次選用。效勞人員。照期滿先後選用。如同日期滿。照科分名次選用。武進士充補提塘者。照期滿先後選用。如同日期滿。照科分名次選用。捐納人員。每班用新捐三人後。開用舊捐一人。其舊捐新捐各項。均相間輪用。如同例捐者。照上庫日期先後選用。如同日上庫。公同掣籤註冊。挨次選用。現任營員。奉旨以衛用者。於改班內選用。掣補營守備。奉旨改用衛守備者。各照奉

旨日期先後選用。如同日奉

旨。武進士按揀選年分科分名次先後。效勞人員照
考職年月。年滿千總照註冊前後。僅有二三項
人員。同日奉

旨。掣定先後註冊。挨次選用。○九年議准。直隸例。捐
納衛守備者為新捐。其前新捐班。改為舊新捐。
每班用新捐三人。次用舊新捐一人。再次用舊
捐一人。○十一年議准。新江例。捐納衛守備者。
於原設捐班之下。增設二班選用。○十三年議
准。川運例。捐納衛守備者。於新江班次之下。增

設二班選用。○又議准東賑例捐納衛守備者於人文到部投供。照上庫日期。各班用四人之後。選用一人。如投供無人。即將別班選用。俟續有投供到部。即還班補用一人。餘仍於各班四人之後。相間輪用。○十八年議准雙月衛守備。原設立六捐班。今此項江賑捐納衛守備者。歸入新江川運兩捐班內即用。○二十九年議准直賑例捐納人員。業經用竣。將原設二捐班裁汰。○三十六年奏准降調官員。由衛缺降調者。即以衛缺遞降。所有還班內降調一項。刪除。將

開復捐還二項人員。相閒輪用。○四十年奏准。雙月衛守備缺出。軍政卓異人員。與各班候補人員。相閒輪用。○四十九年奏准。難廕議敘人員。俱以營守備用。毋庸分別營衛。原設難廕議敘人員之給劄班。即行裁汰。○嘉慶三年奏准。川楚例捐納衛守備。於雙月增設川楚班選用。○六年奏准。新江川運江賑各例。捐納人員。久經用完。所有三項原設各捐班。均行裁汰。○又奏准。雙月衛守備缺出。將開復捐復二項人員。共為一班。挨次輪用一人。為還班。奉

旨以衛守備用之武進士。用二人。為二科班。差官以
衛守備用者。用一人。為勞班。提塘以衛守備用
者。用一人。為效力班。現任營守備。

持調引

見以衛缺用者。及掣補營守備之武進士。提塘差官
年滿千總等。引

見改用衛守備者。共為一班。推用一人。為改班。以上
六班。輪流推補。○又奏准。降級革職。捐復人員。
各按上庫日期。為先後。如同日上庫。公同掣籤
註冊。挨次銓補。武進士按奉

旨以衛守備用之年分科分名次先後補用。武舉充補提塘差官以衛守備用者。按引

見分別營衛日期。先後補用。如同日奉

旨。以期滿先後為次序。如同日報滿。按揀選年分科分名次挨補。如一班內武進士武舉同日應用者。掣籤選用。現任營守備奉

旨改用衛守備者。於改班內先儘補用。其掣補營守備奉

旨改用衛守備者。以奉

旨日期先後推用。如同日奉

旨。武進士按科分名次先後。提塘差官按報滿日期先後。年滿千總按註冊先後補用。僅有二三項人員。同日奉

旨。掣定名籤註冊。挨次推補。○又奏准。工賑例。捐納衛守備。於雙月增設工賑班選用。○九年奏准。衛工例。捐納雙月即用衛守備。增設衛工班選用。○又奏准。武進士充補差官。提塘歸入勞班效力班後。遇本科輪選到班時。仍行選用。○又奏准。武進士武舉先充差官。期滿後以衛守備用。復充提塘。期滿仍以衛守備用。無論勞班效

力班到班。均得選用。○十年奏准。雙月衛守備缺出。應選卓異無人。即將各班抵補。○十一年奏准。南河捐輸料價。議敘雙月即用衛守備。增設議敘班選用。○十三年奏准。土方例捐納雙月即用衛守備。增設土方班選用。○二十年奏准。豫東例捐納雙月即用衛守備。增設豫東班選用。○又奏准。雙月衛守備缺出。定為六缺一輪。每輪用一豫東。一土方。一豫東。一各班。一豫東。一卓異。如舊捐到班無人。即以各班人員。挨班抵補。○又奏准。雙月衛守備。輪選土方到班。

用一土方。一議敘。一土方。一衛工。一土方。一議敘。一土方。一工賑。一土方。一議敘。一土方。一衛工。一土方。一議敘。一土方。一川楚。按次輪選。每輪止用一人。○二十五年奏准。武陟例捐納雙月衛守備。設武陟班選用。○道光六年奏准。酌增常例捐納雙月。即用衛守備。設酌增班選用。○又議准。離任衛守備。應坐補原缺人員。有捐免坐補原缺者。取具原籍赴選文結。赴部投供候補。按人文到部投供日期先後。歸於雙月五缺後選用。○又議定。凡漢軍漢人。已經期滿未

經期滿雲騎尉。漢藍翎侍衛。及鑿儀衛漢軍整儀尉人員。俱准改捐衛守備。歸於雙月即用。○又奏准。武進士武舉武生遵例報捐衛守備者。取具同鄉京官印結。赴部具呈。黏連執照。註冊銓選。毋庸再取本籍文結赴選。○又奏准。雙月衛守備缺出。定為八缺一輪。每輪用一酌增。一武陟。一酌增。一豫東。一酌增。一各班。一酌增。一卓異。如舊捐到班無人。即以各班抵補。○又奏准。雙月衛守備。輪選武陟到班。每輪選用一人。豫東到班。用一豫東。一土方。一議敘。一衡工。一

豫東。一工賑。一川楚。按次輪選。每輪止用一人。
○十三年奏准。籌備經費例。捐納雙月。即用衛
守備。設籌備班。俟戶部彙總造冊咨送兵部。掣
定名次。先後按次選用。開選之日。即從新例選
起。從前用過班次。俱不接算。所有輪選班次。悉
照酌增例班次辦理。○又奏准。舊捐衛守備。有
遵新例加捐過班者。查明各舊例。已未捐足。已
未過班。准與本例新捐人員。一體籤掣名次銓
選。○又奏准。雙月衛守備。輪選酌增到班頭卯
二卯。相間輪用。每輪選用一人。如頭卯無人。即

用二卯。二卯無人。即用頭卯。兩項俱無應選之人。即以各班抵補。○又奏准。雙月衛守備。輪選武陟到班。先用武陟一人。次豫東。次議敘。次衛工。再輪用武陟一人。次工賑。次川楚。挨次輪選。每輪止用一人。如有一項無人。即以各班抵補。○又奏准。舊例分發衛守備。如有情願加捐。以及仍歸原班銓選者。俱具呈將分發註銷。○又奏定。衛守備報捐候選人員。如祖父及親伯叔兄弟現任京外職官者。准其隨任赴選。京官則令具呈本衙門。查明並無違礙。准其移咨。註冊。

赴選外官令其申報任所上司請咨赴選。其未經隨任願由原籍請咨赴選者仍照舊例辦理。

○又議定衛守備舊捐人員已取有本籍赴選文結到部。又行加捐即用先用者免其重取文結。俟原捐衙門知照到日即准註冊銓選。加捐別項人員從前已取有文結到部及降革捐復人員已有前任交代清楚文結到部者亦免其重取本籍文結。俟原捐衙門知照到日取具同鄉京官印結黏連執照查對相符即予註冊銓選。○又議准嗣後衛守備告近人員其父母存

殁年歲。總以原取赴選文結聲敘為憑。如文結到部。復行呈請更正。概不准行。儻實係地方官冊報舛錯。令該員指實聲明。取具同鄉京官印結。行查本籍覆到之日。准其更正。並飭取地方官舛錯職名議處。若原文並無舛錯。仍將本員及出結官照例議處。○又議准。嗣後捐納衛守備候選人員。赴選時。須聲明實在的確祖籍寄籍某府某縣。以便行查。若占至二三省者。不准行查。仍將該員照例議處。○又議准。捐納衛守備給有執照。由原籍地方官起文赴選。該督撫

嚴飭地方官。查明出身履歷。按限轉詳咨部。不得任意稽延。如有勒指情事。本員即赴部具呈。先取同鄉京官印結。聲明註選。行文該省督撫。查明嚴叅。若本員未經在籍呈請起文。率行赴部呈請註選。即將本員嚴行處分。其旗員文結。圖片。亦照此辦理。○又議准。各舊例。凡未經服滿之人。准其報捐。聲明扣除。移咨兵部註冊。其捐至分發者。亦令聲明。扣除分發。此次仍應照辦。○又議定。由監生武生與捐職衛守備。候補候選衛守備。及以衛用之武進士。並未經揀選。

武進士。候補候選守禦所千總。候補候選營衛門千總。報捐衛守備即用者。均歸雙月選用。○二十一年奏准。豫工例捐納雙月衛守備。於雙月設立豫工班。按籤掣名次先後。挨次選用。○又奏准。候補候選營守備。改捐衛守備者。歸於雙月即用。○又奏准。各項捐納候選衛守備。如有未赴本籍起文者。即取具同鄉京官印結。赴部具呈。註冊投供。銓選分發。○又奏定。坐補原缺衛守備。業經該督撫咨送到部引

見奉

旨後。即行捐免坐補原缺。取具同鄉京官印結。即准
投供。如逾半年始捐。及捐後半年始投供者。仍
令回籍起文到部。方准投供。各按投供先後銓
選。同日投供。按上庫日期先後。同日上庫。掣籤
選用。○又奏准。捐復衛守備引

見後。即取具同鄉京官印結。投供註冊銓選。如逾限
半年投供者。仍令取本籍赴選文結註冊。始准
投供。各按投供先後銓選。同日投供。按奉

旨先後。同日奉

旨者。掣籤選用。○又奏准。武進士武舉武生及候補

候選捐職人員。具呈報捐衛守備。均由戶部先行咨查兵部覈覆後。再行上兌報捐。○又議准。凡降革離任捐復衛守備。其原任內所有降革留任處分。仍照例帶於新任內限年開復。如捐升別項。俱令照案盡行捐復。再准捐升。至外任捐升人員。任內如有罰俸之案。亦予銓選。將罰俸之案帶於新任。○又奏准。雙月衛守備。定為八缺一輪。每輪用一豫工。一籌備。一豫工。一酌增。一豫工。一各班。一豫工。一卓異。如舊捐輪用無人。以各班抵補。○又奏准。雙月衛守備。輪至

籌備用一人。輪至酌增班內。用一酌增。一武陟。一豫東。一議敘。一衛工。一酌增。一工賑。一川楚。挨次輪選一人。○二十二年議定。捐免坐補原缺。衛守備。以投供日起。積算雙月五缺後。選用一人。捐復衛守備。與奉

旨補用人員。投供後。以奉

旨之日起。積算雙月五缺後。儘奉

旨在先者。選用一人。如奉

旨人員。與人文到部人員。同時到班。將奉

旨日期。與人文到部日期比較。日期儘在先者。選用

一人。仍積算五缺後。再選用一人。○又議定。雙
月五缺後。各項衛守備。如輪選到班。適行查未
覆。將其次之人選用。俟行查到部。仍積算五缺
後選用。如名次在前之人。扣選其次之人。尚未
積有五缺。即將此缺過班。從過班之缺算。積五
缺後。將其次之人選用。名次在前之人。行查到
部。毋庸積算缺次。遇缺補還。不積五缺。後人員
之缺。○二十三年奏准。遵各省捐輸例。捐納雙
月。即用衛守備。於雙月設捐輸班選用。○又議
定。嗣後各省捐輸。有奉

旨歸部選用衛守備與奉

旨不論雙單月即用。並無本例可歸者。均照無班可歸例。歸於雙月五缺後選用。○二十五年奏准。順天新捐輸例。捐納雙月即用衛守備。於雙月增設順天新班選用。○二十七年奏准。三省新捐輸例。捐納雙月即用衛守備。於雙月增設三省新班選用。○三十年議定。衛守備告近人員。續經出繼胞伯叔為嗣。不准復以嗣父母年老告近。仍照例將該員歸班銓選。○咸豐元年奏准。籌餉事例。捐納衛守備。於雙月增設籌餉班。

選用。○又奏准雙月衛守備缺出。定以二十五
缺為一輪。每輪用四籌餉。一捐輸。四籌餉。一豫
工。四籌餉。一各班。四籌餉。一捐輸。四籌餉。一卓
異。如輪用舊捐無人。即以各班抵補。○又奏准
新舊捐輸雙月衛守備。統歸一班。輪選到班。先
用三省新班二人。次用順天新班一人。再次用
各省舊捐一人。內有一項無人。以次遞推。如俱
無人。即以各班抵補。○又奏准雙月衛守備。輪
至豫工班。用一豫工。一籌備。一豫工。一酌增。一
豫工。一武陟。一豫工。一豫東。一豫工。一土方。一

豫工。一議敘與衛工相間輪用一人。○又奏准。雙月衛守備輪用豫工到班。頭卯二卯相間輪用。頭卯無人。即用二卯。二卯無人。即用頭卯。如兩項俱無應選之人。即以各班抵補。○又奏准。籌餉新例。四月截卯一次。所有雙月衛守備卯數用法。照單月衛守備辦理。○同治八年議定。候選衛守備。曾經起有本籍赴選冊結到部者。取具同鄉京官印結。投供候選。查與赴選文內籍貫履歷相符。毋論有無新齋咨文。均准按班銓選。○十二年奏准。雙月衛守備輪用各班時。

於改班人員用過後將軍政卓異人員用一人。所有原設卓異班統歸於各班內。與各項候選人員輪流選用。○光緒九年奏准。衛用武進士之科班既經歸入雙單月正輪。與儘先捐輸催漕各班人員輪班選用。所有雙月衛守備各班內之原設二科班即行裁汰。○十一年議定。雙月衛守備卓異班後增設三俸深班。專用俸滿管河千總引。

見奉

旨以衛守備用人員。

不論雙單月及儘先衛守備選法。○嘉慶二十
年奏准。豫東例。捐納衛守備。令捐至不論雙單
月選用。○道光二十三年議定。各省捐輸。有奉
旨歸部選用衛守備。及奉

旨不論雙單月即用。並無本例可歸者。均照無班可
歸例。歸於雙月五缺後選用。○咸豐元年奏准。
籌餉例。捐納衛守備。凡候補候選及現任各官。
均得捐至不論雙單選用。俟此項人員用竣。再
用專捐單月雙月人員。○又奏准。衛守備有報
捐儘先捐班前者。遇輪選到班。先將儘先人員

儘數先選。次用捐班前。再次用不論雙單月人員。概積新班之缺。○七年奏准。凡保舉不論雙單月。遇缺前。先選衛守備。均歸入遇缺及儘先班內。按奉

旨日期先後選用。○同治十二年奏准。嗣後部選衛守備缺出。以九缺為一輪。每輪用儘先二人。捐輸一人。儘先二人。催漕一人。儘先二人。各班一人。如有一項無人。即以次抵補。其保舉捐輸各項儘先人員。如本係實缺。有在任候選字樣者。即在任候選。其並無在任候選字樣者。均須赴

部投供候選。○又奏准。衛守備輪用捐輸到班。毋論雙單月先用籌餉一人。次捐輸。次豫工。次籌備。次酌增。次武陟。次豫東。次土方。次議敘。衛工。相聞輪用一人。每輪止用一缺。○又奏准。海運河運出力保舉以衛守備選用者均歸催漕班內。按保舉先後選用。○又奏准。衛守備輪用各班到班。單月缺出用一議敘。一俸深。一加級。再將此三項人員。挨次各用一人。六缺後用守禦所升班一人。雙月缺出用一還班。二科班。一勞班。一效力班。一改班。一卓異班。各計各班輪

流選用。不論雙單月到班。每輪止用一缺。○光緒三年奏准。嗣後衛守備輪用捐輸到班。無人應選。單月出缺。以各班內單月人員抵補。雙月出缺。以各班內雙月人員抵補。至用催漕本班無人。亦按雙單月以各班人員抵補。輪用各班到班。仍按雙單月於抵補人員後挨次選用。○又奏准。各項保舉衛守備。凡奉

旨儘先升用。並遇缺即選人員。均歸儘先班選補。其並無前項字樣者。歸各班內選用。如各班人員有保舉本班前本班先本班前先選用等字樣

者統歸儘先班內。與各項儘先人員。按奉

旨先後選用。○又奏准裁缺衛守備。有願歸本班赴部候選者。於人文到部投供後。不入班次。遇缺即選。○五年奏准。嗣後裁缺衛守備。從前已報收標各員。概不得復行請咨赴部。僅漕督率行給咨。立即駁回該標候補。其未經報過收標之裁缺各員。如請咨赴選。即由給咨督撫於文內聲明從前並未投標字樣。以憑查覈。○九年奏准。衛守備改為八缺一輪。無論雙單月統計。第一缺用儘先。第二缺用捐輸。第三缺用儘先。第

四缺用催漕。第五缺用儘先。第六缺用科班。第七缺用儘先。第八缺用各班。周而復始。至輪用捐輸。本班無人。按雙單月。以各班人員抵補。輪用催漕。本班無人。以科班人員抵補。